

Kantonalno javno komunalno preduzeće
«GRADSKI SAOBRAĆAJ» d.o.o. Sarajevo
Srdana Aleksića 1, Sarajevo

UPRAVA PREDUZEĆA

Broj: **04/403**

Datum: **08-10-2020**

Na osnovu člana 64. stav (1) tačka a), člana 70. stav (1), (3) i (6) Zakona o javnim nabavkama („Službeni glasnik BiH“, broj 39/14), člana 21. Pravilnika o nabavci roba, usluga i radova KJKP «Gradski saobraćaj» d.o.o. Sarajevo, na Preporuku Komisije za javnu nabavku broj: 12477 od 17.9.2020 godine, u postupku javne nabavke robe: „Kancelarijski materijal - LOT 2021“, Uprava preduzeća donijela je

ODLUKU

o izboru najpovoljnijeg ponuđača

Član 1.

Prihvata se preporuka Komisije za javnu nabavku, broj: 12477 od 17.9.2020 godine i Okvirni sporazum za nabavku robe: „Kancelarijski materijal - LOT 2021“, nakon provedene, E, aukcije dodjeljuje se ponuđaču „DEFTER KOMERC“ d.o.o. Sarajevo, Azize Šaćirbegović bb, Sarajevo, na osnovu Ponude broj: 11379 od 28.8.2020 godine, za ponuđenu cijenu od **22.950,00 KM bez PDV-a odnosno 26.851,50 KM sa PDV-om** na jednogodišnjem nivou kao najbolje ocijenjena ponuda pod slijedećim uslovima:

- (1) **Rok plaćanja:** 60 dana po isporuci robe
- (2) **Rok isporuke:** 7 dana od dana prijema narudžbe
- (3) **Garantni rok:** 6 mjeseci od dana isporuke robe
- (4) **Kvalitet usluge:** Prema tehničkim podacima i elementima ponude

Član 2.

Prijedlog Okvirnog sporazuma dostavit će se na potpis izabranom ponuđaču „DEFTER KOMERC“, d.o.o. Sarajevo po protoku roka od 10 dana, računajući od dana od kada su svi ponuđači obaviješteni o izboru najpovoljnije ponude u skladu sa članom 89 Zakona o javnim nabavkama BiH.

Član 3.

Za izvršenje ove odluke zadužuje se i ovlašćuje komercijalna služba, Odjeljenje javnih nabavki i FRS za realizaciju odluke.

Član 4.

Ova odluka objavit će se na web-stranici Ugovornog organa u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05/492 od 6.8.2020 godine. Javna nabavka je sprovedena putem konkurentskog zahtjeva za dostavljanje ponuda.

Procijenjena vrijednost javne nabavke bez PDV-a je **40.015,73 KM za period od 1 (jedne) godine**. Obavještenje o nabavci broj: 257-7-1-124-152/20 objavljeno je na Portalu javnih nabavki dana 10.8.2020 godine.

Komisija za javnu nabavku imenovana je Odlukom V.D. Generalnog direktora broj: 05/541 od 28.8.2020 godine.

Komisija za javnu nabavku dostavila je dana 9.9.2020 godine Zapisnik o ocjeni ponuda broj 12040 te nakon provedene E-aukcije i Izvještaja o završenoj, E- aukciji od 14.9.2020 god.i konačan Zapisnik o ocjeni ponuda i Preporuku o izboru najpovoljnijeg ponuđača broj: 12477 od 17.9.2020 god. kojom predlaže ponuđača „ **DEFTER KOMERC,, d.o.o. Sarajevo** kao najpovoljnijeg ponuđača u postupku javne nabavke robe „**Kancelarijski materijal LOT - 2021,,**

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnik o ocjeni ponuda, u kojima je utvrđeno sljedeće:

- da je ukupan broj pristiglih ponuda 2 (dvije) ponude;
- da su blagovremeno zaprimljene 2 (dvije) ponude;
- **da su ponude validne i prihvatljive;**

Uprava preduzeća je ocijenila da je Komisija u svom radu u potpunosti poštivala Zakon i podzakonske akte, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskim dokumentom.

Uvidom u priloženu dokumentaciju, nesporno je da je izabrani ponuđač najbolje ocjenjen na osnovu kriterija:

- Najniža cijena, odnosno na osnovu kriterija utvrđenih u obavještenju o nabavci i tenderskom dokumentu, kako slijedi:

	Naziv I Ime ponuđača	Kriterij – najniža cijena
1.	„DEFTER KOMERC“ d.o.o. Sarajevo Ul. Azize Šaćirbegović bb, Sarajevo	22.950,00 KM
2.	„PRIMAPROM“ d.o.o. Banja Luka Ul. Vidovdanska bb, Banja Luka	23.000,00 KM

Prema utvrđenom kriteriju „ Najniža cijena,, ocjenjeno je da je ponuđač „**DEFTER KOMERC,, d.o.o. Sarajevo** najpovoljniji ponuđač. Iz navedenih razloga, primjenom člana 64. stav 1. tačka b (Najniža cijena) Zakona o javnim nabavkama, te članova 21 Pravilnika o nabavci roba, usluga i radova KJKP « Gradski saobraćaj» d.o.o. Sarajevo, odlučeno je kao u članu 1. ove odluke.

POUKA O PRAVNOM LIJEKU:

Protiv ove odluke može se izjaviti žalba Ugovornom organu, najkasnije u roku od 5(pet) dana od dana prijema ove odluke.

V.d. Generalni direktor
mr.sci. Almir Ahmetpahić

Dostaviti:

1. „DEFTER KOMERC , d.o.o. Sarajevo, ul. Azize Sačirbegović bb, Sarajevo
2. „PRIMAPROM ,, d.o.o.Banja Luka, ul.Vidovdanska bb, Banja Luka
3. UPRAVA PREDUZEĆA
4. Odjeljenje javnih nabavki (u spis)
5. Odjeljenje javnih nabavki
6. Odjel Interne revizije
7. Arhiva